



FAFANA



Volana Oktobra 2023 - Laharana 240 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2²

GAZETY AVOAKAN’NY FJKM ANKADIFOTSY ISAM-BOLANA

“Velona ho an’ny hafa” ➤ 6 Soatoavina nanabeazana ny FJKM Ankadifotsy



FINARITRA I



Ry havana malala,
Ho aminao anie ny fiadanana
Miditra amin’izao volana faha 10, dia
izao volana Oktobra izao indray isika.
Fotoana sarobidy, izay ahafantsika
mametraka ny fainam-pianakavantsika
eo am-pelatahan’ny Tompo izany. Loha-
hevitra vaovao indray mantsy no banji-
nintsika dia ny hoe : **aorenō ao amin’ny**
Tompo ny fianakaviana. Ny hoe fiana-
kaviana dia avy amin’ny fototeny hoe
“ANAKA”, ka iaingan’ny famaritana
hoe: fitambaran’ny Ray aman-dreny sy
ny zanaka, izay antsoina koa hoe mpia-
nakavy.

“Aorenō ao amin’ny Tompo ny fianakaviana”

Ao amin’ny fianakaviana no hever-
rina fa sehatra ahazoantsika manorina
tokantrano sy taranaka vanona, hanana
hoavy mamiratra sy azo antoka. Isao-
rana ny Tompo ireo endrika sy karazana
fampitana Tenin’Andriamanitra izay
mifanandrify indrindra ny lohahevitra
banjinintsika amin’ity volana ity. Ma-
hafaly ny milaza fa mifanojo amin’ny
fainam-pianakaviana ny Tenin’Andriama-
nitra ao amin’ny fiagonantsika
FJKM, na ny Mofon’aina avoakan’ny
sampana Sekoly Alahady isa maraina,
na ny mana isan’andro avoakan’ny
mpiora-mamaky ny Baiboly.

Isika eto amin’ny fiagonana Anka-
difotsy dia misokatra amin’ny sehatra
ahafhana mianatra ny Tenin’Andriama-
nitra isan’andro, indrindra fa ny maraim-
baovao isaky ny amin’ny 06 ora
maraina.

Ny Tenin’Andriamanitra ihany no
Fotoana tsara indrindra azo antoka ka
hampiorina fianakaviana ao amin’i Jesoa
Kristy. Omeo anjara toerana mba ho
Ivon’ny Fianakaviana i Jesoa. Izy mi-
hitsy no mandondona eo am-baravarana,

Omeo lanja eo amin’ny fianakaviana
àry ny fiaraha-mandinika ny soratra mas-
sina sy ny fiombonam-bavaka dia ho tre-
triaka ny fianakavantsika.

*Ny mpitandrina
Ravaloson*

FIAINAM-PIANGONANA ➤ 3

FIHAONAMBEN’NY FDL Diakona miaina ny fanekena fito, mihazakazaka manova ny tantara



FIAINAM-PIANGONANA ➤ 5

Fihaonamben’ny AFF tany Ambanja



FIAINAM-PIANGONANA ➤ 6

3F Tohano fa antsika



Sampana Fifohazana

Hanao tafika masina ny SAFIF

Avy niatrika ny isan-kerintaonan'ny Toby FJKM Kristy Manafaka Ibora sy fankalazana an'Andriamanitra noho ny faha-30 taonan'ny Toby. Ambolipihaoan'an'ny sampana Fifohazana ny tany amin'ny toby Ibora ny volana Aogositra teo, hiatrika tafika Masina izy ireo ny volana Novambra 2023 izao. Nisy ny fampianarana, fifadian-kanina, toriteny sy fizaram-pahasoavama voaray nandritra ny fotoana.

Manodidina ny iray alina ireo kristianina tonga nanatrika ny isan-keintaonan'ny Toby Ibora, izay avy amin'ny Synodam-paritany 35 amin'ny 38, ny herinandron'ny 7 Aogositra 2023. Nanana siontena 44 isika avy eto amin'ny Fitandremana Ankadifotsy. Am-polony kosa ireo Mpitandrina sy Prezida Synodaly tonga nanta-teraka ny fampianarana sy ny toriteny izay notarihan'ny Tonian'ny Departemantany fanganana, ny filoha sy tonian'ny Sampana Fifohazana, ny Raiamandrenin'ny Toby Ibora.

Ny alatsinainy 7 Aogositra no niainga ny sampana ary tonga tany ny talata 8 Aogositra tolakandro. Herinandro niainana ny fiaianana eny an-toby: hira, vavaka, fampianarana, toriteny, manomboka amin'ny 4 ora maraina mandrapaha-alina ny andro.

Aim-panahy

- Maraim-baovao andraina mofon'aina sy toriteny 2 isan'andro
- Fampianarana arahina toriteny ny maraina manomboka amin'ny 8 ora, mitohy ny tolakandro sy ny alina.
- Fifanasana tongatra ny alarobia 9 Aogositra tamin'ny 4 ora
- Fisaintsainana ny fifadian-kanina ny zoma 11 Aogositra ary nitohy tamin'ny alim-bavaka
- Fanompoam-pivavahana ho fankalazana ny faha-30 taona sy Fandraisana ny Fasan'ny Tompo ny Sabotsy 12 Aogositra
- Fanompoam-pivavahana sy



Solotena nanatrika ny isan-kerintaonan'ny Toby Ibora.

nankalazana an'Andriamanitra amin'izao faha-30 taonan'ny Toby izao. Voamarika tamin'izany fa ny Tompo handrantsana izay rehetra tsy namboleny. Ny finoana an'i Jesoa Kristy no hahatanteraka ny teny faneva. Tahafy ny halehiben'ny finoan'ny sasany, ataovy ho zava-dehibe izany, koa angataho, italahoy amin'ny Tompo mba hitombo amin'ny finoana. Aza mirehareha amin'ny asa vita fa ny Tompo no miasa.

Manaraka izany, maneke hiasan'i Jesoa Kristy Tompo ianao. Foano sy esory izay maha izy anao, fa iray ihany isika ao amin'ny Tompo. Aza mbola miteny hoe "izaho esa afaka" fa ataovy hoe "afaho aho ry Jesoa". Jesoa miasa, mikarakara na andro na alina, koa maneke hiasany eo amin'ny fiaianana.

Velona ho an'ny hafa.

Anisan'ny nampiavaka ny fotoana ny fandraisana anjaran'ny tsirairay arakaraka ny fanomezam-pahasoavama mifanandrify aminavy, toy ny varotra "brochure" fakiana Baiboly herintaona, varotra akanjo tsara mora, fitsaboana

marary sy maratra, ary koa ny fampiantranoam-bahiny.

Sedra sy fizahan-toetra.

Tsy mamela ny mpanompony hangahiahny ny Tompo, fa na dia nisy aza ny olana teo amin'ny fiara fiveremana, dia notolorany "camion" nitondrana ny entana sy ny mpiandry (Ibora-Antsohihy). Nisy kosa ireo nandeha an-tongota 5km (Ibora-sampanana) ary notohizana tamin'ny moto tricycle izany hatrany amin'ny parquage Antsohihy. Natory alina 2 teo ambanay fiarovany Tompo. Na izany aza dia fialiana sy fiombonana no niainana.

Lehibe ny fitiavan'Andriamanitra, mahari-po sy be fiantrana Izy, manafaka sy mamonjy, isaorana mandrakizay ny Anarany masina.

Ny filoha, ny birao, ny Sampana Fifohazana dia misaotra ny raiamandreny mpitandrina Ravaloson, ny biraon'ny fiangonana, ny mpihevi-draharaha, ny fiangonana manontolo tamin'ny fitrotroana am-bavaka sy fanohanana nahafahan'ny Sampana niatrika ny fotoana tany amin'ny Toby Ibora.

Ny volana Novambra ho avy izao dia hiatrika Tafika masina ny sampana Fifohazana eto amin'ny fitandremana koa apertraka amin'i Jesoa Kristy Ilay mpaniraka sady Tompon'ny asa sahadys ny fomananana rehetra ahatontosa izany, indrindra ao anatin'ny herinandron'ny SAFIF manerana ny sahan'ny FJKM isika ny 16 hatramin'ny 20 Oktobra 2023 izay hisy hetsika eto amin'ny fitandremana isaky ny takariva amin'ny 6 hariva.

Harilalaina A.

TATITRA RECYCLAGE PASTORAL 2023 (21-25/08)

Recyclage Pastoral telo ambin'ny roapolo sy roa arivo Lohahevitra Asan'ny Apostoly 9:31 no nataonay ho ivo Fotokevitra : Firahalahiana, Miray Hina, Mitondra Fiadanana Fisitahana notanterahina tany amin'ny faritra atsinanana Foulpointe, toerana alavitra ihany 60 km mialan'ny Toamasina Fa na teo aza izany, feno zotom-po, fifaliana amin'ny fiarahanana masina

Ka deraina sy ankalazaina ny Tompo fa tontosa soamantsara Fanavaozan-kery hihatrehana ny anio, ny ho avy any ampara

Alatsinainy tamin'ny 4 hariva no niainga izahay, Fiara manokana no nandehananay Nisy kosa anefa ny fiara iombonana Nitondra ny mpitandrina sasany sy ny ankohonany

Talata 22/08 tamin'ny 9 ora sy sasany ny fanokafana Izahay vao nigadona tamin'ny 6 maraina, Na reradraka aza tsy mba nalaina Vao tonga dia namonijy ny fanompoam-pivavahana Notanterahina tao amin'ny FJKM Foulpointe Fahazavana Nitarika ny fotoana dia ny Mpitandrina Rado FJKM Ambohitrabiby Nitortenay kosa ny Mpitandrina Ravaloson FJKM Ankadifotsy Ny Asa 9/31 ; Apok 2/18-19 no nosontomana ny toriteny : Hazony ny tsara eo amin'ny fiaianana, Reseo ny fahalemena Mahaiza manararaotra, Fantaro ny loza mitatao Ireo hafatra efatra ireo no nambara tao

Ny tolakandro fampiofanana nentin'ny filohan'ny synodam-paritany Lohahevitra : "Fiangonana mpifanolo-bodirindrana, misanampy sa mpifaninana"

Vahaolana entina hanamafisana ny fiaraha-miasa Manoloana ny zava-misy any amin'ny fiangonana samihafa (Deo 6/13, Heb 10/24, IKor 12/12)

Rehefa vita ny fiofanana, niroso tamin'ny fanomanana ny seho an-tsehatra Izay ho tanterahina ny ampitso hariva tsy an-kenatra

Isa-maraina dia nisy hatrany ny Mofon'aina Ka ny sokajy isam-piangonana dia manana anjara nozaraina Dia ny alarobia maraina vita mofon'aina, fampiavakana no natao Lohahevitra hafa kely kanefa zava-dehibe raha nojerena "Tonga taona hanambady ny zanako"

Nozaraina sokajy mpitandrina, vady zanaka ka niroso tamin'ny asambao miera Ny tolakandro kosa dia fiomanana, nanao ny takariva mahafinaritra Seho mirantiranty, hira, dihy fiderana an'Andriamanitra

Ny alakamisy maraina 28/08 dia nandeha nitsidika ny "Manda Fort" Toerana manatantara, manana ny lazany, mampiavaka an'i Foulpointe Ny tolakandro taorian'ny sakaf (AGAPE) notanterahina ny famaranana

Ny Kekatesta avy ao amin'ny FJKM Ambohipoloalina no nitarika ny fotoana Ny Prezida Synodaly no nitondra ny hafatra ho fanamifasana foana (Sal 133)

Ny zoma 24/08 tamin'ny 03 ora maraina no nanainga nitodidoha riverina ho atyAntananarivo

Misaotra an'Andriamanitra hatrany izahay niaro sy nitantana nandritra ny dia.

Ramatoa Sarindra Ravaloson

TSY HARITRA Mariazy hafakely

Nampiakarin'ny ben'ny tanana ho vady ilay voay vavy ho fanajana ny fomban-drazana. Notanterahina tamim-pomba nanetriketika sy ara-pomban-drazana ny fanambadian'ingahy Victor Hugo Sosa, ben'ny tanan'ny San Pedro Huamelula, any Oaxaca, sy ilay voay vavy nomena anarana hoe Alicia Adriana, na ilay mpanjakavavy kely. Fomba fanao efa nandritra ny 230 taona izao, tao amin'io toerana io, ho fahatsiarovana ny andro niombonana sy nampihavana indray ny foko roa : ny Huaves sy ny Chontals, izay nifampifahavaloo tany aloha tany. Ny voay moa no marika faneva no sady andriamanitra tompon'ny foko Huaves. Ka raha nifanaiky nihavanya foko roa tonta, dia nivady ny lehilahy iray tao amin'ny foko Chontal sy ny vehivavy iray tao amin'ny foko Huaves. Taty aoriania, dia ny voay faneva mihitsy no nampiakarin'ny olobe Chontal ho vady ho fanamarihana ny fifankatiavan'ny foko roa tonta, sy ny fankatoavan'ny Chontal ny kolotsaina Huaves. Nampitafiana akanjo mariazy fotsy sy nosolaram-boaly mihitsy ilay voay mpanjakavavy kely Alicia Adriana nandritra ny lanonana fampakarambady. Araka ny fanazavan'ny mponina ao an-toerana, dia mitondra fahasoavana betsaka ho azy ireo eo amin'ny fiaianany andavanandro ny fanambadian'ny ben'ny tanana sy i Alicia Adriana. Tsy milaza kosa anefa ny tantara hoe miara-matory ve sa tsia ingahy ben'ny tanana sy ilay voay vavy vadiny...



Na eo azo izany sain-dalin'ny olombelona izany, ny soratra Masina dia mitso-drano ny olony lahy sy vavy ho maro fara ao amin'ny Genesisy 1:27-28

Lasy STK Hay Kanto

Fitaizana ny tanora ho vanona sy ho sahy handray andraikitra

Natao ny zoma 18 hatrany sabotsy 26 Aogositra 2023 teo tany Morondava ny lasy fitaizana ho an'ny STK Hay Kanto. Lasy izay nanantanteraha hetsika sy fizarana maro.

Tanjona tamin'ity lasy ity ny fitaizana ireo tanora ho vanona sy ny fanabeazana aratoe-tsaina ary ny mba hahasahian'izy ireo handray andraikitra sy hijoro hatrany amin'ny maha tanora kristianina; ny fampetrahana fanamby izay hoe: "Tanora niezaka sady mazoto, manao am-pittavana ny asan'ny Tompo". Fanampin'izay, ny asa fitoriana ny Filazantsara izay tamin'ny alalan'ny seho-sehatra.

Ny 18 Aogositra maraina no nianga teo amin'ny IFR ireo mpikambana niisa 42 mianahady rehefa avy nanao fotoambavaka sy nandray ny hafatra nentin-dRamatua Filohan'ny STK Hay Kanto.

Nigadona tao Morondava ny Sabotsy 19 Aogositra maraina ary ny tolakondon'io avy hatrany dia niaraka tamin'ireo tanora beazin'ny ONG Alefa



Fiarhana tamin'ireo tanora beazina ao amin'ny ONG Alefa Menabe.

Menabe (Alliance des Leaders et des Elites Formés pour l'Avenir du Menabe) miaraka amin'ny tetikasa ECIJEMM (Education à la Citoyenneté de la Jeunesse Morondava et de Madagascar). Tamin'ny alalan'ny kilalao maro sy "tour de la ville" izay nahitana "stand efatra" no nentin'ireo tanoran'ny ONG nanaovana fifampizarana sy fampahafantarana. Ity ONG ity dia mitaiza sy mikoloko tanora ihany koa ho amin'ny fivoarana maharitra.

Isan'ny asa lehibe sy fampiavaka ity lisy ny nanaovana ilay tantara an-tsehatra

sy fampianarana tamin'ireo tanoran'ny ONG : kilalao isam-bondrona iombonana (Hay Kanto-ONG) fahaiza-mifehy fihetsehamo, teatra, dihy sy hira ary fisehoana an-tsehatra no nentin'izy ireo. Nofaranana tamin'ny fiaraha-misakafo sy seho-sehatra isam-bondrona, fiaraha nihira ary "rencontres sportives" izay nandresen'ireo tanorantsika Hay Kanto eto amin'ny Fitandremana Ankadifotsy ny fiaraha.

Tsy adino nandritra ity lisy ny fitaizana ara-batana sy ara-tsaina, indrindra ny arapanahy tamin'ny alalan'ny fiatratra isa-maraina sy ny fandalinana Soratra Masina isan-karivana.

Nifarana tamin'ny fitsidihana toerana vitsy tao Antsirabe ny lisy fitaizana 2023 ary nigadona teto Antananarivo ny 26 Aogositra tamin'ny 4ora hafatra.

Samy afa-po na ny tanora beazina na ny mpiandraikitra satria fanabeazana feno no natrehana tany no sady fialamboly ihany koa.

Rado Rakotomalala



FIHAONAMBEN'NY DIAKONA SY LOHOLONA

Diakona miaina ny fanekena fito, mihazakazaka manova ny tantara

Notanterahana tany Vatomandry ny fahaonamben'ny Diakona sy Loholona ny 14 - 18 Aogositra 2023, izay niarahan'ny sy nodamparitany 6 dia Iarivo Avaradrano SPIA 19, SP 05, 03, 24, 15 ary ny 32 mpampiantrano. Araka ny tetiandro efa voa-faritra tany amin'ny foiben'ny FJKM mba ho fanatantehana ny vina araka ny soridalan'ny Synoda lehibe tany Sambava ny hoe "Mbola ho firenena kristianina i Madagasikara amin'ny taona 2118" sy ny teny faneva "Miorena tsara aza miova" (I kor . 15.58a) ary mandritra ny 4 taona "Vontosy filazantsara I Madagasikara : Filazantsara manova tantara".

Lohahevitra 7 no niofanana tamin'ity fahaonambe ity : «**Tanterahiko ny fanekeko, Ivelomako ny finoako, tarihiko ny an-kohonako, Ilofosako ny fanompoako, Ampandrosoko ny tontoloko ary Tandrovako ny fahasalamako**».

"TANTERAHIKO NY FANEKEKO"

Taorian'ny fanokafana, dia natomboka avy hatrany ny fio-fanana voalohany. Ny Sekretera jeneralin'ny FJKM Andriamato-toa RAKOTONIRAINY Jaona Mpitandrina no nitondra ny fiofanana izay nosoratan'ny Mpitandrina ANDRIAMAMPININA Zo, FJKM Ampangabe Betleheima SPAA 01. Izay hitarihana ny diakona sy ny loholona hahatakatra ny hevitry ny Soratra masina momba ny fanekena, ny lanjan'ny fanekena na-taony ary ny fanapahankevitra hanatantehana izay efa nekeny, fa tsy mitondra soa ho an'ny olona ny mivadika amin'izany. Ka aoka isika ho sahy hanao toa an'i Jesoa rehefa nahavita ny fanompoany nanao hoe : «**VITA**».

Diakona mihazakazaka manova tantara ka "TARIHIKO NY ANKOHONAKO"

Ny avy ao amin'ny SP 05 Ambatondrazaka Vaovao no nitarika ny fotoana tamin'ny 2 ora sy sasany. Ny Prezida synodaly 24 Mangoro Moramanga Atoa RAMANAMBELO Aimée Mpitandrina no nanao ny fampiofanana momba ny lohahevitra hoe : «**Diakona mihazakazaka manova tantara ka hitarika ny anko-honany**», nosoratan' Atoa RAKOTOARISON Vony José, Mpitandrina FJKM Betsizaraina Mahanoro SP Kristy Fihavanantsika Toamasina Atsimo. Mba ho diakona hanompo an'Andriamanitra sy ho filamatra amin'ny asa fanompoana ary ho ankohonana ho modely eo anivon'ny fiarahamonina. Fa tsy ho izy indray no ho fahavalon'ny ankohonany araka ny Mika 7:6, fa hanana ny maha izy azy amin'ny fitarahan'i Jesoa ka ho modely tahak'ireo ankohonana kristianina voalaza ao amin'ny Soratra masina toa an'i Abrahama Kornelio. Noho izany tsara ny mitana mafy ny safidy mba ho Andriamanitra ny ankohonany koa i Jesoa Kristy.ary hiteny toa an'i Joso hoe: "Raha izaho sy ny ankohonako kosa dia hanompo an'I Jehovah izahay" Jos 24:14, mba ho voninahit' Andriamanitra irery ihany.

DIAKONA FILAMATRA AMIN'NY FIAINAN-TOKANTRANO

Ny alarobia 16 aogositra 2023 nanomboka tamin'ny 8 ora ny fotoana notarihan'ny SP 03, ny moson'aina tao amin'ny Mpitsara 16: 22-31 izay nanafarany fa ilaina ny fijoroana amin'ny finoana, ilaina ny herin'ny finoana, ny fitiavana ary ny fanantenana na dia hiafara amin'ny fahafatesana aza. Nanomboka taorian'io ny fanofanana izay notarihan'ny Prezida Synodaly SP 03 Alaotra-Chrome, RAZARASOA Silasy Mpitandrina "ho diakona filamatra amin'ny fiainan-tokantranony" izay niompana tamin'ny fifankatiavan'ny ankohonana. Ny diakona notsongan'ny fiagonana dia mba ho diakona tsara fitondranta, hahay mitia ny vadiny, hahay hitondra ny zanaka, ary loham-pianakaviana tsara laza sady feno ny fanahy sy fahendrena mba hamelona ny finoana. Ireo zanaka kosa mba "ho zanaka mahay manaja sy mankato ny Ray aman-dreniny araka ny didin'Andriamanitra". Ary ho tokantrano milamina ho voninahitry ny Tompo. Ny Mpitandrina RAZAFINIRIVO Fidison Maxime no nanoratra iny lesona iny.

Mihazakazaka aho manova tantara ka "TANDROVAKO NY FAHASALAMAKO"

Ny tapany faharoa ny fiofanana ny alakamisy hariva dia fitandrovana ny fahasalamana. Hikendrena ny diakona hahalala ny momba ny anjara toeran'ny fiagonana amin'ny fitandrovana ny fahasalamana toy ny ny fanaovana vaksiny, ny fijerena ny tosidera, ny fahsalaman'ny reny sy ny zaza. Izany no nananganana ny vaomieran'ny fahasalamana miasa isam-pitandremana araka ny lamina efa nomen'ny fiagonana tsirairay. Ny mpitandrina RASOLONAINA Robert mivady no nitondra ny fiofanana. Nisy 5 minitr'an'ny fahasalamana roa notanterahana, momba ny diabeta sy ny aretim-bavony izay nentin'ny dokotera mavitrika mirahavavy Dr Fanja ARIN-JATO SP 24 FJKM Karmela SAF Alaotra mangoro, sy Dr RARIVOHARILALA Estera SPIA 19 FJKM avy eto amin'ny FJKM Ankadifotsy namaritra ny momba ny aretim-bavony sy ny fisehony sy ny fisorohana azy. Aleo misoroka toy izay mitsabo, fadio ny manao dokotera tena, fa manatona mpitsabo.

Ity no lohahevitra namaranana ny fiofanana tany Vatomandry izay niatomboka ny Talata 15 Aogositra ka nifarana anio Alakamisy 17 Aogositra 2023.

Diakona mihazakazaka hanova tantara ka "IVELOMAKO NY FINOANA"

Ny lohahevitra «**Diakona mihazakazaka hanova tantara ka ivelomana ny finoana**», izay nalahatry ny Prezida sinodaly ny Mpitandrina Mosa ZAFIMANAMBELO Aimée. Hanatraranana ny tanjona hazoto mivavaka mandrakariva amin'ny asa fanompoana, hamaky sy handinika ary hianatra Soratra masina ao antantra. Hizara sy hiaina ny Tenin'Andriamanitra amin'ny hafa eo amin'ny fiaraha-monina. Koa hivelomana ny finoana, ilaina ny fampiharana tahaka ireny any am-pianaranana ireny. Koa alao hery àry ry diakona sy loholona. Ny nandrafitra io dia RANO-MENJANAHARY Hezekia, Mpitandrina mpampianatra ao amin'ny TPM Fianarantsoa. Ary ity no fiofanana namarana ny tapak'andro maraina.

Mihazakazaka aho manova tantara ka "ILOFOSAKO NY FANOMPOAKO"

Nanomboka tamin'ny 2 ora sy sasany ny fiofanana dia "ny hazakazaka manova ny tantara ka ilofasana ny fanompoana", izay nalahatry ny Sekretera jeneralin'ny FJKM RAKOTONIRAINY Jaona Mpitandrina. Ny asan'ny diakona dia ny hanompo ny fiagonana sy izao tontolo izao amin'ny anaran'i Jesoa, araka ny Soratra masina (Asa 6:2-3 Rom 12:7-16). Araka izany, ho fanatantehana izany dia ho naman'ny Mpitandrina izy, mandavorary ny filaminan'ny fanompoam-pivavahana ary mazoto mamonjy fivoriana, manaja ny fanapahan-kevitra sy miaro ny firaisan'ny fiagonana tsy ho simba. Izay andraisana valimpitia avy amin'ny Tompo ny fahavitana araka ny tokony ho izy io asa fanompoana io araka ny I Timoty 3:13, satria io no zara fanompoana najoro voalohany tao amin'ny fiagonana manaraka ny Apostoly.

Taorian'ny fiofanana dia nisy tolo-tanana ho an'ny Mpitandrina Rasamimanana Rijaniaina Eric izay miandraikitra ny Poste d'évangélisation any Antsohihy, izay trathy ny lozam-pifamovizana rehefa avy namonjy ny fianambe ny fiofahazana tany Ipora. Ny takariva mahafinarintra nandraisan'ireo sinodam-paritany 6 tonga tany tamin'ny hira, dihy, kilalao no namaranana ny tontolo andro ny alarobia 16 Aogositra.

Mihazakazaka aho manova tantara ka "AMPANDROSOIKO NY TONTOLOKO"

Noho ny toetr'andro ratsy ny alakamisy 17 Aogositra manina dia ny hariva vao natomboka ny fiofanana. Ny PS SPIA 19 no nitondra izany «mihazakazaka hanova tantara ka mammadrosy ny tontolo fa Andriamanitra no miasa, ao anatintsika fiagonana ny fikasana na ny fanaovana hanatantehana ny sitrapony» araka ny Fil 2:13 tao amin'ny FJKM Zoara. Hanompo no antom-pisiany ny diakona sy ny loholona ary tsy ao am-pianagonana ihany, fa ao an-trano, eny manerana izao tontolo izao hatramin'ny faran'ny tany. Ny mpitandrina RAJAONAH Lalaina SP 17 Ampitandranomasina no nanoratra ny lesona.

Fikambanana Sakaizan'ny baiboly Nanatantehaka fitsidihana FJKM Ankatafana

Ny 11 hatramin'ny 16 Ao-gositra lasa teo no nanatantehaka ny fitsidihana ny FJKM Ankatafana Synodamparitany Mananjary Pangalanina (SPMP 23) ny Fikambanana Sakai-zan'ny Baiboly. Araka ny fandaminana tany an-toerana, dia nikatona ny FJKM Ankatafana ny alahady 13 Aogositra 2023 fa tany amin'ny FJKM Tsaravary, miala 5 km eo an-toerana, no namonjy ny fanompoam-pivavahana ny mpikambana.

Ny alatsinainy 14 Aogositra 2023 vao nisokatra ny fiagonana tao Ankatafana ke nisy ny maraim-baovao izay nanomboka tamin'ny 5 ora sy sasany, ka ny

Nanangona Malala Soa

Herinandron'ny AFF Nisy ny Tafika masina anatin'y natao

Ho fanamarihana ny herinandron'ny AFF, dia nantantehaka izany isika teto amin'ny FJKM Ankadifotsy ka nanomboka tamin'ny 5 ora sy sasany ny maraim-baovao izay nanomboka tamin'ny 5 ora sy sasany, ka ny

no nanaovany fanentanana ho an'ny mpianakavin'ny finoana hiditra ao anatin'izany ary nampahafantarany ireo sehatra misy ao anatin'ny AFF sy ny fotoam-pivo-riany avy.

Ny sabotsy hariva amin'ny 2 ora 30 ny fiofanana amin'ny Tafika Masina ao amin'ny IFR, ny FKB (Fikambanana kilasin'ny Baiboly sy ny Mpitoriteny) isaky ny alahady eo anelanelan'ny fanompoam-pivavahana roa, izay hanasana ireo ray aman-dreny izay miandy ny zanany mianatana Sekoly Alahady sy izay manampaniriana handalina ny Soratra Masina. Ny sabotsy maraina amin'ny 7 ora kosa ao amin'ny Akanin'Aina ambony, dia misy ny fotoam-bavaka iarahanan amin'ny Vondron'olona mpiara-mivavaka (VMM) izay hanasana antsika ho tia fiaianam-bavaka, ary ny Maraim-baovao izay manomboka ny alatsinainy ka hatramin'ny sabotsy amin'ny 6 ora maraina izay atao ato am-pianganana, ka hifrimbonan'ny AFF sy ny SaFiF.

Koa miantso antsika mpianakavin'ny finoana hanatevin-daharana izany.

Nanangona Ianja R.

Sampana Sekoly Alahady Manentana hatrany ireo ankizy hazoto hianatra Soratra Masina

Ny alahady 17 Septambra tamin'ny 9 ora maraina no nitidra ny mpianatra Sekoly Alahady. Mpianatra miisa 1.300 izy ireo, ary mpampianatra 120 mianadahy no miandraikitra izany, ahitana kilasy K1 hatramin'ny K10, mizara ho A sy B avy, sy ny kilasin'ny «autiste». Misy ihany koa ny sekoly Alarobia izay ahitana mpianatra 60 sy mpampianatra 5 mirahavavy, izay efa nanomboka ny fampianaranana ny alarobia 13 Septambra, isaky ny alarobia amin'ny 2 ora tolakandro izy ireo no mianatra Soratra Masina.

Mpampianatra sy mpandrapharahan'ny Sekoly Alahady miisa 76 mianadahy, sy ireo biraon'ny sampana 6 mianadahy kosa no tonga nanatrehika ny fotoam-panomanana ny fidiran'ny mpianatra ho amin'ny taom-pianaranana 2023-2024, ny sabotsy 16 Septambra teto am-pianganana; ny 6 tamin'izy ireo dia mpikambana vaovao.

Ny mpitandrina Ravaloson no nitarika ny fotoana sy nitondra ny fampianaranana, ka ny bo-kini Amosa 7: 10-17 kosa no nakana ny hafatra ho an'ireo mpampianatra. Antson'Andriamanitra tamin'ny Amosa, hitondra faminianiana ho an'i Zerobahama, izy dia olona tso-piaina, mpiandry ondry.

Fandresen- dahatra ho antisika mpampianatra :

1. Matokia fa antson'ny Tompo io

Tsy ny trangan-javatra maro samihafa no mampiroarao saina

Malala Andrinainaina

3

TONONKALO

Rah' Jesosy no...

Rah' Jesosy no manjaka sy manapaka ao am-po,
Ka ny teniny mitoetra, ivelomana tokoa,
Tsy ho sarotra ho anao ny hanarina ny lavo,
Nidaraboka nianjera ka nanjary mavomavo !

Rah' Jesosy no mitondra sy ekena fa ho Loha,
Moa tsy azo inoana koa fa ny tena dia hifoha ?
Eny hifoha hatrany hatrany ka handroso dia handroso
Hanambara Teny soa, mahafaly, mampandroso ?

Rah' Jesosy no torian'ny Fiagonana tokoa,
Ka tsaroan'ny rehetra f'IZY koa no foto-tsoa,
Dia ho velon'avokoa ny Fiagonana rehetra,
Tsy hisy intsony ny mahanta, manankery voafetra !

Ny Fiagonana no Tena, tian'ny Tompo mba hifoha,
Ho porofo manambara fa Jesosy no TSITOHA,
Tompo tokana Mpamony izay mila famonjena,
Tompo sy Mpanjaka nefà be fitia tsy hay fefena !

Rah' Jesosy no mitana ny Fiagonana hijoro,
Velona tokoa ireny tsy ho lavo na hikoro,
Ny asany ho lavorary ary koa handroso tsara,
Tena hisandrahak'izy, ka ho tsara fiafara !

**Docteur Randriamahazosoa
Boanerjesy Olivier**


MAZOTOA HOMANA

« Salade de fruits »

- **Zavatra ilaina :** Izay voankazo misy eny antsena dia mety avokoa. Frezy, akondro, papaye, mananasy, siramamy, rano kely dia solila kely.

- **Fomba fikarakarana azy :** Sasao madio tsara ny voankazo rehetra, teteho hitovitovy araka ny endrika itiavanao azy avy eo.

M a n a o v a
"sirop" ka toy
izao no
a n a o v a n a
azy: araraho
ao anaty vi-
lany jobo ny
s i r a m a m y
dia asio rano
kely, avelao
hangotraka.
Arotsaho ao
anaty lovia
jobo avy eo
dia avelao
hangatsiaka.



Rehefa mangatsiaka tsara ilay "sirop" dia alefaso
ao anatin'ilay voankazo efa voatetika teo. Arot-
saho anaty kaopy na vera kely dia asio ravina so-
lila na "menthe" eo amboniny. Vonona ny
tsindrin-tsakafo, mazotoa homana àry!

R.Sidonie

MBA SAINO

Ifalio

Herinandro vaovao
Izay omen'ny Tompo anao
Ifalio, ankasitraho
Zay mitranga eo amin'ny fiainanao
Mifalia, matokia
Izy hampandresy amin'ny ady atrehanao

Tojo R.

Fianjaika

Ny "salopette"

Ny "salopette" azo entina miasa na mianatra,
no atolotra antsika vehivahy amin'izao andro
efa manomboka mafana izao.

R.Sidonie




Ny Vomanga

Ireo otrikaina sy ireo singa mety ho hita ao amin'ny vomanga:
A – B2, B5, B6, B9 – C – Calcium – Cuivre – D – E – Fer –
Fibre – Magnesium – Manganese – Potassium – Phosphore ...

Ireo soa azo avy amin'ny fihinanana vomanga :

- Mampiakatra sy mampatanjaka ny hery fiarovana
- Misoroka ny homamiadana noho izy manan-karena "antioxydants"
- Tsara ho an'ny maso sy ny atidoha ary ny volo
- Mampilamina ny tosindrà
- Misoroka amin'ny mety ho fahatsetse-nan'ny lalandrà
- Miaro amin'ny aretin'ny fo sy ny taova-pisefoana
- Misoroka ny mety ho tsy fahampian-drà
- Manampy ny aty amin'ny fanalana menaka ratsy ao amin'ny vatana



- Manamafy ny taolana sy ny nify
- Manatsara ny fiasan'ny tsinay noho izy manan-karena "fibres"

- Manatsara ny fitadidiana
- Mampitony ny rarintsaina sy ny fanaintainana

- Mandrindra ny fiakaran'ny tahan'ny siramamy ao amin'ny râ
- Manampy amin'ny mety ho fitomboan'ny vatana tafahoatra
- Miaro sy miady amin'ny fahasimbaban'ny hoditra sy ny fahanterany
- Mitondra hery, tsara ho an'ny olona mampiasa vatana

Raha misy mahakasika anao ireo tsy fahomombanana ara-pahasalamana ireo,
dia tsara ny fihinanana vomanga matetika, indrindra ny vomanga miloko volomparasy.

Fanja Raveloarijaona

FDL Ankadifotsy

Namonjy fihaonambe ny 15 hatramin'ny 18 Aogosotirta tany Vatomandry

Ny alatsainainy 14 aogositra tamin'ny 7 ora maraina no niainga ny solotena diakona sy loholona 43 mianaka teto ampiangonana. Nialoha ny fiaingana, dia nisy ny fotoam-pivavahana fohy notarihan'ny Mpitandrina Ravalosson. Fangatahana ny fitarihan'ny Fanahy masina no sady nanafrasafarany fohy ny momba ny fiofanana sy ny fahendrena ho entina mankany. Rehefa nomeny tsodrano ho tsara mandroso ho tsara mivernina dia roso niainga ny fiara roa hamakivaky ny lalampirenenana RN2, nisakafo atoandro tao Andasibe ary tonga soa tany Vatomandry ny tolakandro tao anaty herika kely nifasy toy ny tsodrano. Nametrapetra ny fandaminana rehetra ary niala sasatra. Tao amin'ny trano fandraisam-bahiny ZAZAH Robert no nipertraka ny FDL teto Ankadifotsy.



Ny FDL Ankadifotsy namony ny fankalazana ny faha-55 taonan'ny FJKM tao amin'ny FJKM Zoara tao Vatomandry

Isan'andro dia nisy hatrany ny maraim-baovao, mialoha ny sakaf maraina ary fampsatsiahvana ny fandamar-potoana ny FDL teto Ankadifotsy mandirity ny tontolo andro. Ny atoandro sy ny hariva mialoha ny sakaf kosa dia nisy fifampizrana, hira sy fiderana manaka-danitra. Ni-

fampizaran'ny FDL hatrany ny fitarihana izany fotoana izany.

Ny zoma atoandro, no tonga niara-nisakafo sy namangy an'ny FDL teto Ankadifotsy ny Prezida synodal Rabetokotany Miharlaza. Tamin'izany no nilazany fa ny SPIA 19 no maro anisa tany Vatomandry ary nisaorany an'ireo

FDL tonga tany. Ny sabotsy 19 Aogositra maraina tamin'ny 4 ora no nitodi-doha nody ny FDL Ankadifotsy, izany nihalovana hatrany fotoam-bavaka ary tamin'ny 1 ora tolakandro kosa no tonga teto Ankadifotsy.

**Haja RANDRIANASOLO
RANAIVOSON Haja Solo**

MTA “Mpamakiteny manamarika ny ivon’ny faha-35 taona nijoroana.”

Fiderana lehibe no nentina nanamarihana ny ivon’ny fankalazana an’Andriamanitra noho ny faha-35 taonan’ny Mpamakiteny Ankadifotsy ny alahady 13 Aogositra 2023. Niaina izany avokoa ireo mpiangona tamin’ny fidirana voalohany sy faharoa. Nisy ny valopy nanohana ny asa dia ny tsangambato, ezaka : “studio d’enregistrement”. Izany dia ho fanatrarana ny asa miandry ny mpamakiteny amin’ny fanaovana ny “Audio Perikopa”, homena ireo Fitandremana hampofanina. Marihana fa mampofanana Fitandremana isam-bolana ny mpamakiteny Ankadifotsy ary efa feno hatrany amin’ny volana oktobra 2024 ny tetiandro. Mbola vonona hiara-miasa amin’ireo Fitandremana maniry hisitraka izany fampiofanana izany. Eo ihany koa ny fanantonotosana ny fandaharana “Hazoto hamaky baiboly isan’andro” ao amin’ny radio Fahazavana.

Ny Mpitandrina Raobiari-zafy Andriafarafatika avy ao amin’ny FJKM Antseranana Fahazavana no nitondra ny hafr’Andriamanitra tamin’ny 10



Fanamarihana ny ivon’ny fankalazana an’Andriamanitra noho ny faha-35 taona nijoroana’ny MTA.

ora, izay nalaina tao amin’ny Jaona 12 : 24. Nitondra fampiaranana ny vokatry ny Fijoroana amin’ny Finoana izay miteraka fahasahiana ho faty ary miteraka vokatra be. Tamin’izany ihany koa no nijoroany vavolombebona amin’ny fitsanganan’ny Mpamakiteny any Antsiranana. “Nanova sy nitondra aina vao ho an’ny fiainan’ny Fiagonana izany”, hoy izy. Ary ankehitriny izy ireo dia efa mitondra sy mi-

zara ny traikinge ho an’ny Fiagonana manodidina.

Ny tolakandro dia nisy ny lalao fipaninana Soratra masina na “Question pour un chrétien” niarahana tamin’ireo biraon’ny Sampana sy Fikambanana. Natao ny lalao manasa-dalana sy famaranana ho azy 8 mianadahy tafakatra. Ny Sampana Vokovoko Manga no tafakatra tamin’ny lalao famaranana, izay nahitana an-

dRandriamiarintsaina Mika sy Haritiana Niaina Ramanoelina ka ilay farany no nahazo ny fandresena tamin’izany. Nisy ny fahatsiarovana sy ny fanoomezana natolotra azy ireo. Ny tarika Guy sy Landy ary i Fanja TDL no nanafana ny fotoana. Tena nahafinaritra ny hira Fiderana niarahana tamin’izy ireo izay nitondra hafanana, hafaliana ary fionbonana indrindra ho an’ny tanora, satria tsy mora ny mitaiza tanora amin’izao vanim-potoana ianantsika izao ary izany indrindra no mahatonga ny mpamakiteny hitady izay mahatamana azy ireo ato antranon’Andriamanitra mandrakariva.

Mithy ny asa ho an’ny komity dia ny famitana ny tsangambato izay atolotra ny Fiagonana amin’ny famaranana ny fankalazana, ny volana Novambra 2023. Mithy ny famakiana Salamo isan’andro ho an’ny mpikambana izay tsangambatom-pinoana. “Raiso ny Tenin’Andriamanitra ho sabatry ny Fanahy” Efesiana 6 : 17

Rojo Ramaro

MTA - FJKM Manandriana Lovasoa 37 ireo mpiofana nahavita fiofanana ary 9 mianadahy ireo voafidy birao vaovao

Tafatsangana ny Sabotsy 23 septembre 2023 lasa teo ireo birao vaovao hitantana ny mpamaky Soratra masina ao amin’ny FJKM Manandriana Lovasoa Avaradrano. Vonona izy ireo ny hanohy ny fiafarahamiasa amin’ny Mpamakiteny Ankadifotsy indrindra amin’ny fipanakalozana traikinge entina manome aina ny Vakiteny. Vita tamin’io fotoana io ihany koa ny fampiofanana famakiana soratra masina ho an’ireo, birao, diakona, solotenan-tsampa

misy eo amin’ny Fiagonana. Navitrika ny mpiofana ary vonona ny hampita ny fiofanana amin’ireo Fikambanana handray anjara mba ho Vakiteny Marina, Miaina, Mazava.

Mithy ny Fampiofanana ivelany ho an’ny MTA Ankadifotsy ka ny FJKM Manjakaray indray no hisitraka izany amin’ity volana oktobra ity.

“Mandra-pihaviko, tandemre ny famakianteny” (1 Timoty 4 : 13)

Rojo Ramaro



Ny MTA sy ny mpiofana FJKM Manandriana Lovasoa

**“Vontosy Filazantsara ny Nosy Madagaskara,
filazantsara manova ny tantara”**

Fihaonamben’ny AFF tany Ambanja

Ny talata 12 Septembra 2023 no niainga nihazo an’Ambanja ireo solotenan’ny AFF misa 19 avy eto amin’ny fitandremana Ankadifotsy, hamony ny fihaonambe SaAff iarahana amin’ireo fitandremana samihafa manerana ny Nosy. Miisa 800 ireo mpiofana namony ity fihaonambe nasionaly an’ny sampan’asa fitoriana ny Filazantsara ity.

Ny alakamisy 14 Septembra 2023, nisy fotoam-pivavahana fano-fakana ny fihaonambe tao amin’ny FJKM Kristy Fahazavana Ambanja synodam-paritany Faritan Voalohany na SPFVA.

Nitarika ny fotoana ny mpitandrina sady Prezida syndaly SPFVA Rabevita Saina, ary nitondra ny Tenin’Andriamanitra Andriamampianina Zo, mpiandraikitra foibe FJKM. Nalaina tao amin’ny Mat 4:23-25, nifidian’i Jesoa ireo mpianany. Ny tolakandro dia nisy ny fiofanana notarihan’ny mpitandrina Andriamampianina Zo Nantenaina, mpiandraikitra foibe, nalaina tao amin’ny Mat 28 “manao iraka tanterehina amin’ny fitoriana ny filazantsara” and 28. And 16-18 dia ny fisehoan’i Jesoa tamin’ny fitsangany tamin’ny maty. Ny antom-pisan’ny fiangonana dia history ny Filazantsara. Tsy voatery atao « porte-à-porte » ihany akory ny asa fitoriana ny Filazantsara.

Notohizan’ny tonian’ny departemantan’ny fiangonana Robinson Radolalaina Johary, izay nambarany fa isika rehetra dia mpikambana ao anatin’izany AFF, misy ny iraka ampanaovin’ny Tompo (Mat 10:7-8) izany hoe mampita ny finoana an’i Jesoa amin’ireo taranaka. Ny batina dia fampidirana ny olona ho Kristiana sady fanoana ny ota. Tsy manana hery hafa hianteharana afa-tsy i Jesoa isika ary fahasoavana lehibe ho antsika izay nandray famelana izany. Rehefa mino an’i Jesoa dia iai-na nialy Soratra Masina. Matetika isika dia tsy mampianatra an’ireo soatoavina tokony ho fantatr’ireo ankizy. Midadasika ny asa fitoriana ny Filazantsara, ohatra, amin’ireo mpivaro-tena, amin’ireo ankizy mpatory an-dalana, misy ihany koa ireo fanoemezana sakaf azy ireo.

Tandindonin-doza ny fiangonantsika amin’izao raha tsy mandray andraikitra isika, ny taranaka mifandimby no tena ilaina sady mitory Filazantsara ary manorina fiangonana ho an’ireo taranaka.

Nitohizan’ny zoma 15 Septembra 2023 izany, ka nisy ny fotoam-pivavahana mialoha ny fiofanana, notarihan’ny mpitandrina Andriampanomezana, nitondra ny Tenin’Andriamanitra ny mpitandrina Ramamonjarisoa Robert, nalaina tao amin’ny Romana 15:14-21. “Ry impitoy filazantsara, lazo aloha ny fahatsaran’ny fiangonana misy anao. Koa manana fahalalana, mahay mananatra ary manana fahahsiana mitory filazantsara”. Taorian’izay, ny filohan’ny AFF mpitandrina Dina Razafimamonjy no nanohy ny fampiofanana ka ireo didy folon’ny “Mathetes” na mpianatr’i Jesoa “Mathetes” no novelabelariny. Didy voalohany vontootin’ny asa fitoriana, “ataovy mpianarana ny firenena rehetra izany hoe ampiarano amin’izay nandidiako anareo”.

Nitarika ny fiofanana manaraka ny mpitandrina Ramamonjarisoa Robert. Asan’ny fiangonana ny fitoriana ny Filazantsara. Jesoa Kristy no ambara rehefa mitory Filazantsara. Ny androt’io zoma io ihany, dia nisy fanorolana an’ireo evanjesitira 65 hiasa amin’ireo faritra samihafa manerana an’i Madagaskara. Marihana fa amin’ny taona hoavy dia feno 50 taona ny SaAff.

Ny sabotsy maraina dia samy nihazo ny seranantsambon’Ankify hihiho an’i Nosy-Be Hell-Ville ireo mpiofana araka ny namirahan’ny foibe azy ireo. Nizara ny filazantsara tamin’ny fitandremana samihafa tao an-toerana, ka isika fitandremana Ankadifotsy dia tao amin’ny FJKM Ziona Famonjena Dar Es Salem no nandeha, ka ny mpitandrina Rafanomezantsoa Jean-Charles sady mpiandraikitra foibe no nitsena ireo mpiofana.

Ny alahady 17 septembra 2023, dia nisy ny fotoam-pivavahana famarana ny fihaonambe ka samy namarana izany any amin’izay toe-rena nanirahana azy avy.

Ny mpitandrina Rafanomezantsoa Jean-Charles sady mpiandraikitra foibe ao amin’ny synodam-paritany voalohany Antseranana Spva, no nitarka ny fotoana no sady nitondra ny Tenin’Andriamanitra ho an’ny tao FJKM Ziona Famonjena, nalaina tao amin’ny bokin’ny Apo 22:6-15. Ny zavatra rehetra eo amin’ny fiainana dia ao amin’io bokin’ny Apokalypsy io, fanontaniana apetraka dia “ahoana no hiatrehako ny hoavy ? Ary ahoana no ho fiafarako ?”

Ny olana ankehitriny, dia sarotra hanarina ny olona ka noho izany, torio ny fahamarinana ny faminianana an’i bokin’ny Apokalypsy fa efa akaiky ny farany. Ary izao tadiodio fa misy farany ny zava-dreheretra. Miaina amin’ny faharatsiana ny olona, tsy misy azo hiankohofana afatsy Jehovah irery ihany. “Tohizo ny fanompoana an’Andriamanitra fa izaho no Alfa sy Omega”. Nisy ny fanaovana rakitra soa fanao isaky ny fahazavana an’i Madagaskara. Marihana fa amin’ny taona hoavy dia feno 50 taona ny SaAff.

Ny tolakandro dia nisy ny Tafika masina natao teny Manara-penitra sy Ambatolaoka ary Ampasindava. Tokantrano maro no notsidihana, koa na dia misy hafa finoana toy ny silamo sy katolika aza, dia nanaiky handray sy hihaino an’ireo mpianafika izy ireo.

Ny talata 19 Septembra 2023 dia nanainga hiverina hitodi-doha hihazo an’Antananarivo ireo namony fihaonambe nasionaly. Ny fihaonambe SaAff dia isaky ny 2 taona, ka dia amin’ny fihaonambe 2025 indray, ho an’Andriamanitra irery ny voninahitra.

Ianja R.



Ireo solotenan’ny AFF fitandremana Ankadifotsy



**FIKARAKARANA
voninkazo**

Ireo tompon’andraikitra mikarakara voninkazo amin’ity volana
OKTOBRA 2023 ity :

- 07 oktobra Alahadin’ny Mpitandrina : groupe 13
- 14 oktobra : groupe 14
- 21 oktobra : groupe 15
- 28 oktobra : groupe 16

Nanangona Malala Soa

"Velona ho an'ny hafa"

Soatoavina nanabeazana ny FJKM Ankadifotsy

Sivy folo taona no nahatsapan-dramatoa Marie ny asa mahagaga nataon'ny Tompo tamin'ny frainany. Fijo-roana vavolombelona nataony io nandritra ny fanamarohana ny ny faha-90 taonany sy faha-70 taona nanabeazany izay nomarohana teto am-piagonana ny sabotsy 23 Septembre lasa teo nandritra ny fankalazana an'Andriamanitra izay notanterahina teto amin'ny fitandremana Ankadi-fotsy.

Ankoatra izay dia modely ho an'ny taranaka aty aorianana ny fi-hetsika nasehon-dramatoa Randriatsify Marie Esther 'velona ho an'ny hafa' izay filamatra sy volin-tsain'ny soratra Masina nainan'ny FJKM Ankadifotsy raha notoloran'ny fiangonana fanoomezana izy tamin'ny alalan'ny solotenan'ny biraon'ny fitandremana dia natolony manontolo ho an'ny sekoly IFR izay nosoloin'ny Talen'ny sekoly Randriarisoa Mamy tena tamin izany, rakitra nomen'ny fiangonana ho azy izany tamin'izao fankalazana an'Andriamanitra noho ny faha 90 taonany sy faha 70 taona nanabeazany izao.

Mahay ny zavatra rehetra aho ao amin'ilay mampahery ahy(Fil 4: 13), ny fahasoavan'Andriamanitra no niara-niasa tamiko(I Kor 15: 10b), ireo no tenin'Andriamanitra nosafidiany nizarana ny hafatry ny Tompo. Ny Mpitandrina Ravaloson no nitondra ny hafatra tam'in'zany. 90 taona nahatsapany ny asa mahagaga nataon'ny Tompo taminy, faharesen-dahatra, fahatsapana ny asan'Andriamanitra:

- Mahay ny zavatra rehetra izy
Ny Apostoly paoly dia resy lahatra fa mahay ny zavatra rehetra, ny fahaizany miatrika ny trangan-javatra rehetra tamin'ny fahatoniana no maha hafa ny maha Kristianina antsika; toy izany koa Rto Marie afaka miatrika, mampitolagaga eo amin'ny



Ramatoa Maria, 90 taona sady 70 taona nanabeazana

asa fanompoana. Ny asan'ny Fanahy Masina eo amin'ny fia-nantsika dia manome tselan-kevitra manoloana ny asan'Andriamanitra ataontsika, ka maneho zava-mahagaga hatrany ny Tompo.

-Ny finoana izay nananany ihany koa,

Ny fananany an'i Jesoa miaraka aminy mandrakariya. Ny filazantsara izay torina dia herin'Andriamanitra nitokiany, hery mihotra lavitra noho ny dinamita, io no hahafantsika misa eo am-pelatana Andriamanitra; tsy menatra, tsy mata-hatra, ary tsy havelany hangahiahy fa Izy no miantoka ny fahalavorarian'ny zavatra rehetra, ilay fahaizana miserasera Aminy no mitondra anao ho amin'izany, izany no nampijo-roan'Andriamanitra azy nandri-ta ny 90 taona.

-Ny fahasoavan'Andriamanitra no niara-niasa taminy

Ny hoe : fahasoavana dia zavatra tsy mendrika anao akory, kanefa nomen'ny Tompo anao maaimampoana, Paoly Apostoly dia nilaza fa tsy tokony ho Apostoly akory, fa ny fahasoavan'Andriamanitra no naha toy izao ahy hoy izy.

Fifaliana ho an-dRtoa Marie ny namoaka olona m-robe teo amin'ny asa nanirahan'ny Tompo azy nandritra ny 90 taona niaiany. 90 taona naneho Andriamanitra ny fahasoavany, ny heriny. Ny fahasoavan'Andriamanitra tokoa no niara-niasa taminy.

Koa ataovy safidy eo amin'ny fiainanano ny tsy hisaraka amin'Andriamanitra, miravoravao amin'I Jehovah ianao dia homeny anao izay irian'ny fonoao(Sal 37: 4).

Fandraisam-pitenenenana sy asa vavolombelona:

Taorin'izany dia nifandimby handray fitenenana ny solotene-nam-pianakaviana, izay nitan-tara fohy ny zavatra niaiany.

Rto Marie izay nizara ny tarigetrary dia ny hoe: mizara, mama-koky, mianatra: izay vita androany dia hay androany, maneke ny lalana voasoritra dia milamina ny lalanao, mihira mandrakariva na faly ianao na ory.

Atoa Rasendrahaisina Lala Haja Mpitandrina sy ny zanany no anisan'ireo mpianany voalo-hany tao amin'ny Akany Avoko Faravohitra, Izy rahateo no Raia-mandreny nisoloetenitondra ny teny fisaorana ho an'ny rehetra.

Ny solotenan'ny sampana sekoly Alahady kosa no nitantara ny lalana vitsivitsy izay nodia-vin-dRto Marie tamin'ny asa fanompoana, ary nandrafitra izany ho boky ary natolotra azy izany ho fahatsiarovana, niaraka tamin'ny sary iray fahai-zany, izay nohalehibiazina.

Teo koa ny solotenan'ny Akany loharano Ankadiefajoro, izay hampianarany, ary nilaza izy fa mbola misy ny fotoana iray atao eny amin'ny sekoly, ary Rto Marie no hanolotra ny tsangambato amin'izany.

Tonga nanotrona ity fotoana ity moa ireo mpianatra avy eny amin'ny akany loharano, nan-drar anjara tamin'ny hira ihany koa izy ireo.

Ny Safif eto amin'ny fitandremana, ny mpihiran'ny farim-bona.

Nofaranana tamin'ny fana-pahana mofomamy ny fotoana, ary ny Rto Marie dia maneho fisaorana ny fianakaviany, ny fiangonana, ireo rehetra tonga nanotrona azy tamin'ity andro sarobidy teo amin'ny fiaianany ity. Ny alahady maraina dia nisy ny fanolorana nataon'ny sampana sekoly alahady izao Tsing-erin-taona azy izao teo anivon'ny fiangonana.

Malala Andriniaina

Tantara kely

Tsy miditra am-piangonana

Ity olona iray ity dia nanao vava be fa tsy hiditra am-piangonana mihitsy mandram-pahafatiny. Niegaka nitaona sy nandresy lahatra azy ny fianakaviany; fa niziriziry tamin'ny heviny hatra-min'ny farany ihany izy ka tsy nanaiky. Niaiky ny rehetra fa tena mafy hatoka sy voapetaky ny vy mahamay ilay rangahy satria niala maina avoka, tsy nisy nahataona azy ny olona na dia ireo



mpanao Tafika Masina izay manana fanomezam-pahasoabana manokana amin'ny fandresen-dahatra aza...

Indray andro anefa... Tsy novozonana, tsy niangaviana, tsy noterena fa tonga tao am-piango-nana ihany ilay rangahy tsy mpivavaka, saingy tao anaty vatampat!

Fa hoy ny Soratra Masina: "Ary ho entina eny an-tany fandevenana izy" (Job 21/32)

Rabeatonina James, Mpitandrina

ANKIZY

Ny toetry ny zaza 3-4-5 taona

Ara-psykôlôjia : ny faha-3 taona dia taonan'ny fakan-tahaka, ny 4 taona dia taona mampihetraketraka, ny 5 taona dia taona mahabe fanontaniana lavareny.

Amin'ny ankapobeny, hikitikitika ny lahikely, mipelipe-likia ny vavikely. Tsy mahalala menatra, kanefa saro-tahotra. Be tati-bolana, mora mitomany ary mbola midongidongy. Mora maka tahaka, ary mino-mino foana. Miaina amin'ny sarintsarina lainga, ary mianatra fetsifetsy. Mbola manjaka ao amin'izy ireo ny ftiavantena tsy nahy (égoctrisme). Ampiasainy lalandava ny "ko" ao amin'ny ankohonany.

Tia milalao irery sy dokodokafana, tsy manam-pahare-tana amin'izay atao.

Ny zaza ampihantaina A. Ny zaza mihanta dia tsy misy, fa ny zaza ampihan-tainy ray aman-dreniny sy ny manodidina azy no maro.

Ny atao hoe "fampihantâna zaza" dia ny tsy famelana azy hanatanteraka sy hanokatra tsara ny antom-pisiany eto antany mba hahatsapany fahsambarana sy fivelarana araka ny tokony ho izy.

B. Toy izao ireo endrika fampihantâna zaza : - Fanomezana azy zava-

mamy matetika

- Fiarovana azy tafahoatra amin'ny hafanana, hatsiaka, orana, rivotra, tabataba; ka ho lasa tsy sahy mandray andrai-ki tra izy any aoriana.

- Fitansana ny toetra tsara ananany eo imasonry; ka mi-hevi-tena izy fa efa tonga lafia-tra.

- Fitansana toy izany ny kilemany; ka mihevitra izy fa tsy mba afaka manao ny tsara intsony.

- Fanadinoana tsy nahy, na fanahy iniana ny sazy iray esa nolazaina taminy; ka mihevitra izy fa kisendrasendra no nahavoasazy azy.

- Fanasaziana ao anatina ha-

tezerana faratampony; ka ho lasa mpamalifaty izy, na mata-hatra lava, na be fanahiana, mitsiriritra, tsy be teny intsony.

D. Fanabeazana azo atao :

Ampianaro izy tsy hanga-taka lava, ka hifehy ny fani-riany. Az aza tanterahina avy hatrany izay faniriany rehetra.

Ampitomanio izy dieny mbola kely, mba tsy hampito-maniany anao rehefa lehibe izy.

Tojo R.

("Ny ankohonana no sekoly voalohany". Rasoanindrina Marguerite, Conseillère pédagogique psychothérapeute).

Arahabaïna

"Ary Jehovah Andriamanitra nanao hoe : tsy tsara raha irery ralehilahy, dia hanaovako vady sahaza ho azy izy."

Gen.2. 18

- Ratovo Andriamahery Mahery Jonathan sy Ramananjolaina Nadia
- Rasoanaivo Andrianarisoa Avotra Nirina Harifetra sy Renty Niela
- Razafindramonja Velocon Christian sy Rajaobelina Bakolimalala Vanessa
- Rasatandrianombana Itokiana sy Andrianarivo Fanantenana Mendrika
- Rakotoarison Andy Prince Stéphanie sy Ramandraitsoy Rinah
- Martin Mbotatiana Gino sy Andrianarivola Manoa Ny Avo
- Randriamialisoa Jimmy Lariot Michel sy Andrianasetra Nirina
- Rakotonaina Parfait sy Ravaoharimanana Andriamampiamintsoa Esther
- Rasatarivony Andrianjakasolo Francky sy Rasamizafy Imiora Kanto

BATISA

« ...dia nisokatra ny lanitra, ary ny Fanahy Masina nidina teo amboniny... » Lio. 3. 22

- Andriamamonjisoa Mahatoky
- Ranjanja Maël Anjara Loann
- Rajaonarison Ilontsoa Christian Evan
- Ralefomanana Ny Aiky Ifaharana

Fiononana

« Fa Izaho mahalala ny hevitra iheverako anareo, hoy Jehovah, dia hevitra hahatonga fiadanana, fa tsy loza, mba hanome ana-reo fanantenana ny amin'ny farany... » Jer. 29. 11

- Razananosy Isabelle Monique
- Ramamonjy Ramarokoto Naina
- Andrianatoandro Fy Anjara
- Razananirina
- Ravololomboahangy Sahondra Perle Clairelle
- Razanadraibe Berthe
- Radafiharison Andrianjaka Eddy Mario
- Andriamifidy Antsa Tatamo

3F

Tohano fa antsika

"Fa mahaso kely ihany ny sampiasana ny tena, ary ny mpihazaka-zaka rehetra dia mahonontena 1 tim 4 :8"

Eo am-pamaranana ny fanamarohana ny faha-125 taonany ny STK ankehitriny, izay sampana ivondronan'ny Haikanto, ny mpihiran'ny Farimbona ary ny 3F. Hetsika maro no nentiny nanamarika izany ary iray amin'ireny ny ffaninanana ara-panatanjahantena, izay ny 3F no nitoto nahafotsy sy nahandro nahamasaka izany.

Fa inona sa izo marina moa ny 3F ? Efa voalaza etsy ambony fa sampana iray mandrafitra ny STK izy, Farimbona-Fanantanahantena-Fialamboly no fanalavanya azy, misy mpikambana 150 eo ho eo ao anatin, ary mitaona ny olona hanatona ny Tompo no tanjony. Farimbona : fitaizam-panahy iarohana amin'ny raiamandreny mpitandrina isaky ny sabotsy tolakandro mialoha ny fandraisana. Fanantanahantena : misy taranja maromaro azo andraisana anjara dia ny Baolina kitra isaky ny sabotsy 11h00-15h00 ao amin'ny ENAM Androhibe, basket-ball isaky ny alahady 10h30-12h00; volley-ball isaky ny sabotsy 13h00-17h00, Tsipy kanetibe isaky ny sabotsy 13h00.

Fialam-boly : fisindana indroa isan-taona sy lasy lehibe isan-taona Tanjona ny fitaomana ny olona hanatona ny Tompo amin'ny ala-n'ireo seham-pitaizana ireo.

Tiana ny manamarika fa tsy manavaka antokom-pinoana na fian-gonana ny 3F, fa manome lanja kosa ny fitsipipifehezana hifampitai-zana, koa izay manaraka izany dia raisina an-tan-an-droa. Tsy ary hovoatania eto intsony ny vokatra tsara azon'ny 3F raha teo amin'ny lafiny fanantanahantena, eny fa na eo amin'ny lafiny hafa aza dia tsy azo hodian-tsye hita sy azo tsapain-tanana izany, raha tsy hilaza fotsiny hoe maro no tapa-kevitra hanatona ny Tompo ireo tsy mbola kristianina kanefa mpikambana.

Ny Farimbona no miah y mivantana ny 3F, saingy tsapa ihany ny tsy fahampiana iainan'ny sampana, raha tsy hilaza fotsiny ny niatoan'ny ffanarahana tamin'ny mpanazatra izany, izay nisy fiantraikany ihany tamin'ny vokatra azon'ny tournoi faha-125 taonan'ny STK, finaliste football, demi-finaliste basket-ball, (tokony ho tsara noho izany anefy). Tsy manakana ny faharisihin'ny mpikambana akory izany, ary amin'ny alalan'ny fispampizarana traikefa no hifehezana ny lafiny teknika rehefa misy ny ffaninanana ara-panatanjahantena.

Tohano ny antsika ! Mila anao hanohana azy ny 3F na vola, na fia-tovana, na hevitra mba hahazoany vokatra tsratsara kokoa amin'ireo "F" 3 ireo.

Fahafahana handrosoana amim-pahalemana

Jesoa maniraka, Jesoa mampomba hery sy fanantenana

Fetra famaranana iraka asa amin'ny endrika mahasondriana sy mahery, no nisintahan'i Jesoa tao-ran'ny namelany hafatra fa hahazo hery ny mpianany amin'ny iraka hotohizan'izy ireo.

Hafatra sady fanomezana hery no natolotr'i Jesoa, rehefa nandeha hamonjy ny tontolon'ny Rainy niandry Azy any an-danitra Izy. Ny asan'i Jesoa dia mitohy tsy misy fetra. Ny olona izay avotany amin'ny fatotra sy ny zioga, ka manaiky manary izany no mpandray anjara amin'ireo asam-panavotana. Tontolo misaritaka fanahiana, ifangoarana fitaka sy lainga ary fifamadihana no miantso vonjy hatrizaray. Taloha sy nandritra ary tao-ran'ny fiainan'i Jesoa teto an-tany ary amin'izao fotoana izao, dia manjaka hatrany ny fanindronana ratsy. Soa fa maro ny mino ka manaiky mandray ny hafatra avy amin'i Jesoa Kristy. Endrika maro tahaka ny didy sy ny ohatra ary teny fampantanana no iampitan'ny hafatra. Fomba maro, tahaka ny hira sy ny kabary, no maka toerana lehibe amin'ny fampitana hafatra. Anisan'ny mamporisika, ohatra, ny mamaky ny Salamo, ny Apokalipsy.

Tsiky sy fahamoram-panahy no andrasan'ny zaza rehefa mifoha izy. Miankina amin'ny fifandraisana misy amin'ny ray aman-dreny sy ny zaza no mahatsara, na maharatasy ny tontolo andron'ny olona. Raha sendra tsiky amin-kitsim-po no nitsenana andro vao-vao, dia maka endrika mahifinaritra ny tontolo andro. Raha tsiky tsy ravo mifono fiftiavan-tena kosa, dia ho maizina ny andro, na ao am-po izany na amin'ny fihetsika. Hita taratra eny amin'ny tarehin'ny zaza tokoa ny zavatra iainany ao anatin'ny ankohonany, na am-pahany na feno.

Manan-karena ny fihirana FFPM ampasaina, fa ahitana sy ahenoana ny teny hoe « Ray », tahaka ny « Ray malala », « Ray befitiavana », « Ray mpahary » sy ny hafa maro. Dia tahaka izany koa ny teny hoe « reny » saingy any anatin'ny Baiboly kosa no mive-riberina imbensaka. Raha itodihana ny zava-misy amin'ny firenena Malagasy, dia iaraha-mahalala, fa mitaky fanantenana lehibe tokoa. Ao ny manantena hahita Madagasikara mazava, mihiratra, mifaly, mia-dana sy sambatra, saingy vinaniana ho amin'ny fo-toana lava tsy fantatra. Mampiady hevitra ny famaritana ny fahambarana. I Madagasikara dia sambatra, hoy ny mpizahatany sasany mandalo fo-toana fohy. Toa hita eny amin'ny tarehin'ny Malagasy hatrany, hoy izy ireo, ny fahamiranana.

Asa iza tokoa no antsoina hoe raiamandreny fotr'izany fahamiranana izany, iza no mampandeha ny fihariana, iza no miantoka ny harinkarena, iza no ifa-



neraserana ara-barotra betsaka indrindra. Ny kolontaina, mbola hita mahazo vahana, ny fahatahorana vahana. Ny vazaha moa dia tokony hisokajiana ny vahiny avy any ivelany, tsy mifidy volon-koditra. Matetika mahazatra ny maro anefa, ny mameatra ny vazaha ho fotosy hoditra, fa indrindra ny Frantsy. Samy alahatra eo ny Arabo, ny Sinoa, ny Afrikanina, ny Kreola, ny Karana, fa ny antsoina hoe « reny malala » aloha dia mbola i Lafrantsa ihany, tany niondonana sy nialofana ary koa nanjanaka taona maro. Ny fanahnantany dia nahitana fotoana niainan'ny Malagasy fiadanana. Misy ny fijoroana vavolombelona ataon'ireo izay nahita sitraka, na indrindra ny Malagasy izay « vazaha taratasy », ka tsy mampitovy lenta ny maha-malagasy azy amin'ny maha-olom-pirenana vahiny azy. Nisy, tsy azo lavina ny vanim-potoana nahitan'ny Malagasy soa nandritra ny naha-zanaky ny vahiny an'i Madagasikara.

Sehatra azo tanisaina, aha-fahana milaza fa manjaka na tsy misy ny fahambarana dia, ny fanabeazana, ny fananana asa, ny fialamboly, ny fahafahana miteny sy maneho hevitra ary mivezivezy malalaka, ary ny fandriampahalema sy ny fahasalamana.

Jesoa velona, Jesoa miahny ny mino sy mamonjy ny firenen'ny mino

Amin'ny vanim-potoam-pifidianana tahaka ity taona 2023 ity, dia manana anjara toerana ny mpifidy amin'ny hoavin'i Madagasikara. Tsy nisitraka zavatra maro ny Malagasy tamin'ny fanjanahantany, raha tsy nisy ny fanokafana sy ny fanamboarana lalana, ny lamby. Tombontsoa ho an'ny olom-pirenena malagasy ireo fotodrafitsara ireo, fa miendrika tombontsoa am-badika koa.

Raha ny fampianaran'i Jesoa, dia tsy ilaina ny mandany andro mitsara ny hafa, sy maka olona homelohina ho tomponandraikitra amin'ny tsy-fahambarana. Maka toerana lehibe ny fanahy sy ny saina hendry ary maranitra. Maro ny mizara mamy, ary tahaka an'i Jodasy moa, dia oroka no nentiny nivarotana an'i Jesoa. Moa ve tsy maintsy olon-kafa, vahiny amin'ny fahalalana ny aina sy ny fiafana malagasy, no mahavony sy mitondra fahambarana ho an'ny Malagasy ? Tsy misy maharatasy ny toetra mahay mandray vahiny, miaina ao anatin'ny fihetsika iraisam-pirenena i Madagasikara. Mitaky ny tselan-tsaina sy tselam-panahy ary kolom-panahy matanjaka izany. « Indro Izaho maniraka anareo ho tahaka ny ondry ao ampovoan'ny

Fintina toniteny VOLANA SEPTAMBA

MITORIA FILAZANTSARA AMIN'NY FIRENENA REHETRA

Alahady 03 Septambra izay nalaina tao amin'ny Marka 5:18-20

Contexte : ilay lehilahy demoniaka nositrani Jesoa ka nitoy ny Tenin'Andriamanitra. Mission aniran-han'ny Tompo antsika ny history ny Tenin'Andriamanitra ka hafatra 2 no zaraina amintsika amin'izany : 1- Mazava ny sehatra aheoanao izany fitoriana ny filazantsara izany.

- Ny haniranhan'ny Tompo voalohany indrindra antisika, dia ny hizara filiavana sy teny mamy amin'ny ankohonantsika.

- Tian'ny Tompo history filazantsara amin'ny manodidina antisika ihany koa isika satria ajor'on Andriamanitra ho wabolombelona amin'ny asany isika, dia ny hampahitratra ny mason'ny olona rehetra mba ho mendrika izany irak'Andriamanitra izany.

2- Hanambara ny asa lehibe nataon'Andriamanitra teo amin'ny fiafana.

Ampahafataro ny olona rehetra fa mpanasitrana ary mpanafaka ny Andriamanitsika, fa izany no andrasany amintsika.

Izany hoe ny asan'Andriamanitra teo amin'ny fiafantsika sy ny famindrampony (firaiketam po amin'Andriamanitra) tamintsika no ijoroantsika valo-lombelona.

Rehefa matoky an'Andriamanitra isika dia lasa manana ny fjeriny, ka na inona na inona zavatra atao ny hafa amintsika, dia zakantsika avokoa izany satria efa miraikitra ao am pon'Andriamanitra isika.

Koa meteza ho mpitroy filazantsara, ka torio sy ambarao ho fantavy ny rehetra izay efa famindrampona nataon'Andriamanitra tamintsika.

Amen

Alahady 10 Septambra izay nalaina tao amin'ny Matio 4:12-27

Tadidio fa raha vao miresaka asa fitoriana filazant-

amboadia ; koa hendre tahaka ny menarana, ary morà tahaka ny voromailala.» - Matio 10:16.

Samaritana tsara fanahy maro no hita manohana an'i Madagasikara, ao ny ONU, ny Banky iraisam-pirenena sy ny hafa maro. Mitondra fanohanana ara-bola sy ara-pahaiza-manao ny vondrona vahiny, antsoina koa hoe naman'i Madagasikara sy naman'ny Malagasy. Mirotaka izy ireo amin'ny fanomanana sy ny fampandehanana ary aorian'ny fididianana ho filohan'ny Repoblika, amin'ny volana novambra sy desambra 2023. Ohatra iray, ny Amerikanina izay nosolo'inny Masivo-hony tena, tamin'ny faha-10 aogositra teo, nanambara handray anjara lelavola 900.000 dolara amerikanina, mba hisian'ny fididianana malalaka, ara-drariny, mangaraha sy tsy misy fanavahana.

Ny tetiandro dia ahitana fiodinana roa, mitsinjo ny mety tsy hahalany ny kandida iray ao anatin'ny fiodinana voalohany. Amin'ny faha-9 novambra 2023 ny voalohany, ary ny faharoa kosa dia amin'ny faha-20 desambra 2023. Mahazatra aty amin'ny tany afrikaina ny mahita kandida maro atolotry ny antoko politika maro. Ny fiparitahan'ny vato no fiantraikan'izany isa maro izany. Ilâna fahatoniana sy fahazavan-tsaina indray ny fididianana amin'ity taona ity. Miantso fitoniana ny tsy hisian'ny korontana tahaka ny Malagasy izao tontolo izao. Samy manantena fa tsy hiverina intsony ny korontana niainana teo aloha. Ho fididianana handraisan'ny Malagasy manan-jo hifidy sy hofidiana anjara ara-dalâna, ho yokatra madio no hivoaka, ary hanaiky ny yokatra ny rehetra.

Ny baraingo misokatra dia ny fanontaniana izay eny am-pelantanany ny Malagasy ny valiny, dia izay kandida ho lanin'ny vato maro. Miankina amin'ny maha-olona, na ny hetsi-panentanana hiseho mandritra ny fampielezan-kevitra, sy ny teti-pivoarana ary ny drafi-piaraha-monina no mason-tsivana handrotsahan'ny Malagasy vato. Hahazo tsodranom-pitantanana ny firenena, ho amin'ny fahambarana sy ny fiada-



nana tsy hahitana tsindrio fa lavo na fanam-param-pahe-fana izay Filoha ho lany.

Hafatra i Jesoa ny hanovan-tsoa sy a sam-pitiana, tsy hiondraka fa hahay hiara-hiaina sy hiasa amin'ny hafa, handray anjara feno amin'ny fiaraha-monina sy ny firenena. Anjara asa sy andraikitra lehibe ny fididianana. « Aloavy ho an'i Kaisara ary izay an'i Kaisara, ary ho an'Andriamanitra izay an'i Andriamanitra.» - Lioka 20:15. Jocelyn R.

TENY FIAINANA

“Aoka tsy handao anao ny famindram-po sy ny fahamarinana ; afehezo eo am-bozinao izany, ary soraty ao amin'ny fona o tahaka ny amin'ny vato fisaka”.
Oha. 3:3

> VOLINTSAINA

Ny fahamasinana

Raha miresaka amin'ny olona ianao ankehitriny ny amin'ny hoe: fahamasinam-toetra, fahamasinam-pitondrante, ... dia toy ny maivan-danja izany, toy ny efa nilaozan'ny toetra ny fiheverana azy. Laso fanesoana aza matetika ny hoe : “nareo koa miseho ho masinabe”, Ohatran'ny hoe tamin'ny andron-dr'i Mosesy izany fa tsy miady amin'ny fiafana amin'izao intsony.

Mahasarotiny an'Andriamanitra anefana na tiantsika na tsia ny fahamasinana, miverina in-1000 eo ho eo ny teny hoe: “masina” ao amin'ny Baiboly ary anisan'ny fitsipi-piainana nomeny ny hoe: “Mitenena amin'ny fiangonana, dia ny Zanak'Israely rehetra, hoe: Aoka ho masina ianareo, satria masina Aho, Jehovah Andriamanitrae Lev. 19:2”. Ho an'ny zanak'Andriamanitra izany dia toetra nolovainy avy tamin'ny Ray izany fahamasinana izany. Mitomboa ary amin'ny fahamasinana!!! fiafiav

> PERIKOPA OKTOBRA

Aoreno ao amin'ny Tompo ny fianakaviana

Alahady 1 Oktobra Gen 2.18-25/ Matio 5.31-32/ Efesiana 5.22-23

Alahady 8 Oktobra Deuteronomia 24.1-4/ Marka 10.2-12/ Romana 15.14-21

Alahady 15 Oktobra Ohabolana 3.1-12/ Lioka 2.39-52/ Efesiana 6.1-4

Alahady 22 Oktobra Salomo 127.1-5/ Marka 10:13-16 Kolosiana 3:18-25

Alahady 29 Oktobra Jeremia 18:1-12/Matio 9:38-50 Romana 13:11-14

FAFANA

Mischo isam-bolana

Talen'ny gazety

Ravaloson Mpifandrina

Mpandrindra : ANDRIANARISON Veronica RAHAINGOMALALA Sidonie

Komity fanoratana : RAZAFINDRANGALISOA Ninie RAKOTOARIVELO Tojo hery RAZAKA Ianjanaina RAMARO Rojo

RASOAVELOSON Jocelyn RANDRIANASOLO Haja ANDRIANTSILAVO Harinjaka Mampianina

RAHANTRAMALARISOA Ralantoharimanana RAVELOARAJONA Fanja ANDRIANARAJONA Olimalala Livaharisoa Malala Andriamanitra RAVELONARIVO Harilala

ANDRIANTSOAMIHAMA RATSIMATAHOMANANA Nini

RAMAROSON Satry RAKOTOMALALA Rado RAKOTOSON Tovohery

Fanitsiana Tsipelina : RATSIORARISON Hanta

Rindra ora-takelaka : RANAIVOSON Haja

Mailaka : fafanagazety@live.fr Tél. : 034 84 497 64

Printy : Imprimerie RAJAONARIVONY

Adresy : Lot IVN 50 A Ankadifotsy - 101 Tanà GSM : 033 14 281 27

Ny nitondra ny hafatra dia Pasteur RAVALOSON FJKM Ankadifotsy.

Fanompoana an-tsary



Faminaniana sy mpaminany sandoka amin'ny andro ankehitriny Ahoana no atao manoloana izany ?

Tsy dia mitovy loatra ny fampianaran-diso sy ny mpaminany sandoka, fa ekena ho mpiombona tokontany. Ao anatin'ny Baiboly manontolo dia miresaka mpaminany sandoka, toy ny ao amin'ny Testamenta taloha, ao amin'ny bokin'i Jezemia, Ezekiela ary ao amin'ny Deoteronomia 13, ny Testamenta Vaovao dia ahitana betsaka ny atao hoe mpaminany sandoka ary ankehitriny dia mbola betsaka.

Inona avy ireo toetra vitsivitsy ananany ?

Izy mampianatra zavatra tsy mifanaraka amin'ny Soratra Masina, izany hoe Soratra masina somary mivily, miala amin'ny Soratra Masina. Ary ny toko iray no rohitiny lavabe, miala amin'ny fototra iray ary mandrirotra zavatra iray izay resahiny eo foana hanazavany ny Soratra Masina, izay no ilazana azy atao hoe Sekta. Ny foto-pampianarana diso dia mifanohitra amin'ny foto-pampianaran'ny Ray ny mino na ny fampianarana ny fanitsiam-pivavahana.

Raha ny foto-pinoana kristianina mantsy, dia miainga amin'ny Soratra Masina manontolo, tsy mionona amin'ny boky na toko iray fotsiny fa halalinina manokana ary raha tsy voamarina amin'ny Soratra Masina manontolo, tsy azo atao «*doctrine*», izany hoe zavatra marina ao amin'ny Soratra Masina. Ohatra ny batisa, ny fiangonana, ny famelan-ke-



loka. Ny foto-pinoana dia mazava tsara, misy fototra iore-nany, dia ny Soratra Masina manontolo.

Misy ny fampianaran-diso ara-poto-pinoana, misy koa ny fampianaran-diso ara-pratique. Ny tanjony dia ny hialanao amin'ny fiangonana hahazoany mampiasa na manova hevitra anao.

Inona no tokony hataon'ny fiangonana ara-pi-noana sy ara-pratique ?

Ny fomba fiady mahomby dia ny fanaovana «*Etude biblique*», io no fitaovana hidiania voalohany amin'ny fampianaran-diso. Ny fahavalon'ny kristianina dia ny fampianaran-diso. Misy fomba maro afaka hanaovana ny «*Etude biblique*». Tokony hanao izany daholo ny isampianakaviana, raha mahavita izany ianao, dia mety maharesy

2/3 ny fampianaran-diso.

Inona no tokony ataon'ny AFF ?

Rehefa manao Tafika Masina, dia tokony hanana fahavononana hitory ny filazantsara, mivonona hitory ny Filazantsara miainga amin'ny Tenin'Andriamanitra, mampianatra ny olona hivavaka. Rehefa tsy ao amin'i Jesoa dia tsy mahafantatra ny zavatra tsara, tsy afaka hanao ny tsara. Ny sekta dia mandrava ny «équilibre»-nao, tsy manefy olona ho «indépendant» fa «dépendant». Ny fivavahana diso dia tsy mampianatra anao hanana ny maha-izy anao.

Ny fivavahana diso dia mampianatra anao tsy hanana safidy fa mangeja anao. Fa ao amin'Andriamanitra dia manana safidy sady tsy manery anao, fa manana andraikitra eo anatrehan'Andriamanitra kosa ianao.

Nanangona Malala Soa

Fandraisa-tanana an-Rtoa Ratsimbazafy Hoby Mpitandrina Rodorodom-piderana

Tontosa soa aman-tsara noho ny Fitantanana'ndriamanitra ny rodorodom-piderana izay notanterehina ny alahady 17 septembra 2023 tamin'ny 3 Ora sy sasany tolakandro teto amin'ny Fjkm Ankadifotsy.

Rodorodom-piderana satria nanasana ireo tarika fanta-daza toa an'Ny Ako izay avy ao amin'ny mpiara-mamaky ny Baiboly sy ny tarika Ny Hasim-piderana ary ny Sampana Tanora Kristianina Fanasim-piderana avy ao amin'ny Fjkm Fanasim-piderana Antanimena Andrefana, nandray anjara ihany koa tamin'ny fiderana ihany koa ny antokom-pihira Ny Mpihiran'ny farimbona izay noravahan'ny Stk Hay Kanto tamin'ny dihy, sy ny tantara an-kira nataon'ny stk Hay Kanto ihany. Marihina fa tsy nisy ny vidim-pidirana, valopy kosa no nozaraina teo am-pidirana nandrotsahana izay fa-



nomezana avy amin'ny vahoakan'Andriamanitra ary naterina teny amin'ny alitara izany ho mariky ny fanolorantenan'ny tsirairay. Ny hetsika natao dia fiaraha-miasan'ny fiangonana Fjkm Ankadifotsy sy ny Fjkm Antanety Finoana. Ny tanjona tamin'izao hetsika izao dia ho fanomanana ny fanoanana sy fandraisantana an-dRamotoa Ratsimbazafy

Hoby, mpitandrina izay zanaky ny FJKM Ankadifotsy any an-toerana ny Sabotsy 18 Novambra 2023 ho avy izao.

Tsy liana amin'ny fiderana intsony ve ny vahoakan'Andriamanitra indrindra ny avy eto an-toerana sa efa tsy nam-pianarina hiaina ny fisanotronana fa dia vitsivitsy no tonga nanohina ny antso.

Tojo R.

Vaksiny lefakozatra 438 ny olona vita vaksiny teto am-piangonana

Misaotra ny Tompo fa vita soamantsara ny vaksiny Lefakozatra izay natao teto amin'ny Fitandremana Ankadifotsy ny alahady 10 septembra 2023

0 - 11 volana : 3
12 - 59 volana : 13
4 - 5 taona : 55
Ary 15 taona mihoatra : 367
Nanangona Malala Soa